



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 726. Usque Ad Annum 813

**Fleury, Claude**

**August. Vind. [u.a.], 1760**

**VD18 90117859**

§.2. Concilium Vermeriense.

---

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII. A. C. 753. nasteria Leberathense & S. Hypoliti, hodie *S. Bilt*, prope Selestadium, S. Privat in Diœcesi Metensi & quædam alia fundavit.

## §. II.

*Concilium Vermeriense.*

*Coint. an.* *753. n. 1. to. 6.* *Conc. pag.* *1657. to. 1.* *Capit. p. 162.* Rex Pipinus anno Regni sui secundo, nempe anno Salutis septingentesimo quinquagesimo tertio conventum Francorum Vermeriæ celebravit, ubi viginti & unus Canones ad Disciplinam Ecclesiasticam pertinentes conditi creduntur. Plerique circa Matrimonium versantur. Matrimonium in tertio propinquitatis gradu contractum nullum sit, atque perfecta pœnitentia utraque pars ad alias nuptias transire possit. In quarto gradu conjunctis solum pœnitentia injungitur, & non separantur, sed ad ineundum tale matrimonium licentia non conceditur.

*c. 1.*  
*6. 2. 10. 11.*  
*12. 18.*

*c. 5.* Qui incestavit privignam, novercam, uxoris sororem vel consanguineam, nunquam vel illam vel quamcunque aliam ducere possit. Eadem pœna mulieri hujusmodi criminis reæ statuitur. At pars innocens ad secundas nuptias transire possit; scilicet post mortem conjugis. Si mulier in necem mariti conjuravit & ipse cum moderamine inculpatae tutelæ aggressorem occiderit, illam dimittere possit, & post ejus mortem aliam ducere.

Quod

Quod ei nullatenus concederetur, si crederetur homicidii reus. Mulier vero rea nunquam alii nubere possit. Scilicet pœnitentiæ pro magnis criminibus injunctæ pars erat a nuptiis perpetuo excludi.

Sæcul. VIII.  
A. C. 753.

Nemo ducat mulierem, quæ legitima vel illegitima Presbyteri uxor fuerit. Presbyter qui mulierem invitam velaverit, deponatur. Non veletur, nisi consenserit maritus, quod si consenserit, aliam ducere non possit. Servitus reddit matrimonium nullum, ita ut si quis mulierem servam duxerit, credens esse liberam, aliam ducere possit. Pari modo res se habeat, si mulier libera ser-vo ignorans nupserit. Servum & servam conjuges, si diversis dominis venundati fuerint, exhortari oportet, ut in suo statu permaneant. Clerici arma non gestent. Ordinationes ab Episcopis vagis factæ nullæ sint. Hi sunt hujus Concilii Canones, qui præ cæteris utiles, & clari mihi videbantur.

c. 4.

c. 16. 13.

c. 19.

c. 16.

c. 14.

§. III.

*Zachariæ Papæ obitus.*

Zacharias Papa ad Dominum migravit mense Martio anno septingentesimo quinquagesimo secundo Indictione quinta, postquam annos decem, menses tres, & dies quatuordecim Sacram Sedem obtinuit.

Anast.

*Hist. Eccles. Tom. X.*

O

tinuit.